



SEGUNDA EDITZIONE DE SU CURSU ONLINE DE ISCRITURA IN SARDU (BASE)

AVISU

S'assòtziu culturale “Àndala noa” dat a ischire chi dae su 4 de maju de su 2015 at a incumentzare sa segunda editzione de su cursu de base de iscritura in sardu.

Su cursu, chi at a èssere a s'indonu, s'at a tènnere petzi **online** e sos dischentes lu podent sighire a cale si siat ora de su die e de su note.

Ant a pòdere partizipare sos primos 15 dischentes chi ant a imbiare una mail a s'indiritzu limba.sarda@andalanoa.it iscriende:

nùmene e sambenadu
tzitade o bidda e data de nàschida
indiritzu de residèntzia
indiritzu de posta eletrònica

e finas chi s'interessadu:

- a) pedit de pòdere sighire su cursu de base de iscritura in sardu;
- b) autorizat s'Assòtziu culturale “Àndala noa” a manigiare sos datos personales inditados in custa mail, chi s'ant a impreare petzi pro sas comunicatziones e pro fines amministrativos.
- c) declarat de àere lèghidu e cumpresu sos inditos generales pro sa frequèntzia de su cursu de base de iscritura in sardu.

Sos interessados si nche depent marcare intro de su 30 de abrule de su 2015.

INDITOS GENERALES PRO SA FRECUÈNTZIA DE SU CURSU DE BASE DE ISCRITURA IN SARDU

Su cursu at a incumentzare su 4 de maju de su 2015 e at a acabare su 28 de làmpadas de su 2015 e est partzidu in 7 mòdulos.

Onni mòdulu acabat cun un'atividade de verìfica.

Ant a àere iscadèntzia inderogàbile petzi sos test intermèdios e s'esàmene de congruida.

Chie non passat sos test intermèdios los at a pòdere recuperare cun àteras atividades cuncordadas paris cun su tutor de su cursu.

At a retzire su tzertificadu de frequèntzia petzi chie at a sighire totus sas letziones e at a passare totus sos test ma non passat s'esàmene finale.

Ant a retzire su tzertificadu de profitu e frequèntzia petzi sos dischentes chi ant a passare s'esàmene finale.